

金上甄庶陳陳漢等重刊

卷之五

金 代 聖
弓 南 聖
壓 漢 朝
久 寺 會

炎緒命个季春
黃器王氏琴記

敘

嘉慶中

朝廷遂開全唐文館錄有唐一代之文粲然大備于是烏程嚴氏可均慨然裒輯唐以前文爲躬之責以稱斯盛竟二十餘歲凡成七百四十六卷列作者三千四百九十七人命曰全上古三代秦漢三國六朝文繕寫定而嚴氏卒後光緒十有三年黃岡王君毓藻爲廣東按察使迺訪得於方太守功惠家驚躍過望悉輸鉅資次第刊布用惠來學越五年而工就嚴氏此書始顯於世而王君適以服闋改官四川布政使將之官屬爲之敘維昔孔子定書刪詩實爲編訂文字所自始然孔子於書斷自唐虞詩則專取周代間及殷商之頌取足垂法立教而已梁蕭統既有文選周漢之文亦簡略不具宋文苑英華務續蕭選尤未上及遞考選輯諸家惟明代梅氏文紀起皇霸訖隋例同嚴氏然文紀所列僅百有餘卷

鉤稽之勤采輯之博嚴氏當什伯過之揚萬古之光華極百代之情變微言要道往往在焉嘗觀七畧隋志所最錄古今書目不下數千百家就徵其書亡佚蓋十逾六七矣故嚴氏滋有懼焉網羅蒐拾專壹憔悴其體大而力强如此庶幾所稱信而好古者與竊又以謂文章之作一元氣之散見而已其升降得失之故蓋與道術政治風尚相爲表裏故純而之乎駁厚而之乎薄樸而之乎華皆天地之運之自然大勢之所由導而相趨可攷而覩也然而命世之君子蓄元氣於吾心以與爲迎距剝者可使之復墜者可使之續固有道焉苟爲不然六朝之文以視上古三代蓋益遠矣唐更承六朝之後而韓李之徒出不益其敝文反稍稍振起號爲復古何也元氣之不終絕息而人心自相推轉之效不可誣也往有海客使泰西還盛稱諸國所置博物院珍禽異獸怪魚奇木靈葩英石祕器瓌貨山海之所呈元黃之所構聖仙之所遺萬物之產

莫不畢備海客方瞠目結舌悅精順志不勝駭且服焉今王君之於是書舉廢而表微願過畢矣世旦暮得而讀之吾知瞠目結舌悅精順志必皆且駭且服如海客然者不尤足快矣哉始嚴氏鄉人蔣鼐氏私懼失傳爲編定目錄百有三卷極意校別刊而行之海內頗知嚴氏書蔣鼐氏之力也茲以係之首冊云光緒十九年冬十一月義甯陳寶箴敘

敘

余官江蘇糧道時案牘簡寡性無他好畧購書籍以銷暇日偶得鐵橋漫稿閱全上古三代秦漢三國六朝文總敘及總目總例等篇慨然曰博大詳賅唐以前之文備矣刊布海內足補四庫全書所未及洵不朽之偉觀也俄而有以刻成總目百三卷贈余者蓋鐵橋先生之邑人蔣季卿齧參校考正擬付剞劂未果其子錫初勉糾眾資刊之發函披卷知先生竭二十餘年之精氣爬羅叢殘使千數百年前古人之心血寄存於此直與全唐文相接續力强而功深嗚呼盛矣惜乎全文散佚搜索不獲按目補輯談何容易丙戌秋赴粵離任晤方太守功惠開說鹽務源流利病瞭如指掌旋以譽諸人人曰方太守獨諳悉鹽法哉家有書樓收儲極富多人間所未見者目錄之學儒者無以過也余甚嘆異焉自是每見必劇談促膝忘暮訪此書稿本則藏之久矣事與

願副爲之狂喜者累日其明年出鉅資慎選梓人方太守約同官王君秉恩暨存善理而董之凡總校分校之役廖編修廷相陶中書福祥率孝廉生監之淹雅者分任之收掌則黎博士兆椿司之而舊友英都轉續村官粵最久又從而督責之衆力易擎俾成完美癸巳冬合七百四十六卷竣功蓋校讐厯八次閱時七年中間有故停工者二年餘事事五年耳昔先生致陳碩士侍郎書可均積稿等身就中有全上古三代秦漢三國六朝文非有大力者斷難付梓姑繕錄清本畱覆醬餠云云今而後高文大冊惠及士林不負先生好古績學之苦心假而不畀以粵東之任何由越數千里外覓得此奇書之遺稿也精誠之所感召機緣之湊合豈偶然哉光緒二十年三月二十日黃岡王毓藻謹敘

刻全上古三代秦漢三國六朝文提調收掌總校分校各銜名

提調

三品銜道員用廣東候補知府巴陵 方功惠

道員用廣東候補知府華陽 王秉恩

三品銜廣東補用知府仁和 王存善

收掌

太常寺博士職銜廣東番禺貢生 黎兆椿

總校

翰林院編修廣東南海 廖廷相

中書銜舉人廣東番禺 陶福祥

分校

廣東南海舉人 胡又安

番禺舉人 陳慶修

鄭觀權

沈寶樞

何翰章

香山舉人

范公諒

番禺優貢生

章琮

李肇沅

順德優貢生

黎維樞

南海廩番貢生

金俊基

番禺廩貢生

林事賢

金敬耀

黃濤

沈葆和

俞恩榮

南朝文海生員馮俞

馮愿

潘乃成

桂銘球

陶炳熙

沈廷碩

劉昌齡

吳翊寅

王克誠

張成德

文廷俊

番禺生員

翰林院待詔番禺增生

江蘇陽湖舉人

浙江仁和舉人

湖南武岡州舉人

江西萍鄉職監生

王 著 嶽山 鄭 主 文 註 針

南 著 國 氏 舉 人 張 凱

潘 氏 丁 味 舉 人 王 京 瑞

王 著 順 則 德 舉 人 吳 國 光

韓 林 訓 嘉 祥 潘 昌 似 全 饒 昌 德

潘 昌 康 貢 生 許 致 遠

潘 昌 禹 主 員 饒 國 烈

韓 昌 似 全 饒 昌 德

潘 昌 康 貢 生 許 致 遠

潘 昌 禹 主 員 饒 國 烈

潘 昌 似 全 饒 昌 德

南 主 員

全上古三代秦漢三國六朝文總敘

嘉慶十三年開全唐文館不才越在艸茅無能爲役慨然曰唐之文盛矣哉唐已前要當有總集斯事體大是不才之責也其秋始艸勑之廣搜三分書與夫收藏家祕笈金石文字遠而九譯旁及釋道鬼神起上古迄隋鴻裁鉅製片語單辭罔弗綜錄省并複疊聯類畸零作者三千四百九十七人分代編次爲十五集合七百四十六卷肆力九年艸勑粗定又肆力十八年拾遺補闕抽換之整齊之畫一之已于事而竣摯五帙之散亡揚萬古之天聲唐已前文咸萃于此可繕寫烏程嚴可均

凡例

一是編從羣書纂錄字體正俗略依本書凡

廟諱

御名謹遵四庫書聚珍本定例敬闕末筆

一是編創始于嘉慶十三年時初開全唐文館館臣已唐碑或有王侍郎昶金石萃編未載者屬爲廣輯既錄本呈館遂并錄唐已前文肆力七八年積草稿等身者再省并復重得厚一寸者百餘冊一手校讎不假眾力無因襲無重出各篇之末皆注明見某書某卷或再見數十見亦備細注明已待覆檢

一是編大例遵全唐文全唐文不載詩已有全唐詩而唐已前詩有馮惟訥古詩紀畧漏無多故是篇亦不載詩然如班固兩都賦末有明堂辟雍等五詩理無割棄不能不破例

一分代編次曰上古三代曰秦曰漢曰後漢曰三國曰晉曰宋曰

凡例